

Visoki predstavnik Inzko u posjeti Brčko Distriktu



Visoki predstavnik Valentin Inzko danas je posjetio Brčko Distrikt, gdje se sastao sa zvaničnicima Distrikta, između ostalih, sa gradonačelnikom Sinišom Milićem, zamjenikom gradonačelnika Antom Domićem, predsjednikom Skupštine Distrikta Esedom Kadrićem i potpredsjednikom Skupštine Ivom Filipovićem.

Na sastanku sa zvaničnicima Brčko Distrikta, visoki predstavnik je potcrtao da “sva vaša energija i naponi treba da budu posvećeni rješavanju pitanja koja su istinski važna za građane. Nemam sumnji da bi građani poštovali takav pristup”, rekao je visoki predstavnik.

Ranije u toku dana, visoki predstavnik je govorio na otvaranju sajma *Brčko EXPO*, koji traje dva dana i koji je okupio više od 200 malih i srednjih preduzeća iz cijelog regiona.

On je naglasio da se kandidati, koji su u utrci za izbore, trebaju “ugledati na preduzetnike. Ako želite postići uspjeh i ako želite da i vaši građani učestvuju u tom uspjehu, onda pristupite politici na način kako preduzetnici pristupaju poslovanju – to znači izgradnja i podsticanje povjerenja, optimizma i sposobnosti za saradnju”.